

**Ն.Ս.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՆԱՅՈՑ ԿԱԹՈՂԻԿՈՍԻ
ՕՐՆՈՒԹՅԱՆ ԽՈՍՔԸ «ԸՆՏԱՆԻՔ, ՆԱՄԱՐԱԿՈՒԹՅՈՒՆ
ԵՒ ԵԿԵՂԵՅԻ» ՆԱՄԱԺՈՂՈՎԻՆ**
(12 սեպտեմբերի, 2014 թ.)

Նայրապետական սիրով ողջունում եւ Մեր օրհնությունն ենք բերում «Ընտանիք, հասարակություն եւ Եկեղեցի» համաժողովի մասնակիցներին: Գնահատանքով ենք անդրադառնում, որ ժողովը նպատակ ունի եւս մեկ անգամ կարևորությամբ անդրադարձ կատարելու եւ վեր հանելու ընտանիքի դերն ու նշանակությունը հասարակական մեր կյանքում, ինչպես նաեւ՝ որոշակի շեշտադրումներ կատարելու այսօր ընդամենական կյանքում առկա անցանկալի երևույթներին:

Նայ Եկեղեցին մշտապես բարձր է գնահատել ընտանիքի ամբողջականությունը, սրբությունը եւ անքննարկելի կարևորությունը մեր ժողովրդի կյանքում՝ դիտելով որպես հոգևոր եւ բարոյական արժեքների պահպանման հիմնապարտ եւ անփոխարինելի հասարակություն հանրային առողջ գիտակցության ձևավորման ու զարգացման համար: Ընտանիքի այսպիսի հասկացողության հիմքը Սուրբ Ընտանիքն է, որը հիմնված է սիրո, բարության, ազատության, խնամքի, գթասրբության, հարգանքի անփոխարինելի արժեքների վրա:

Մեր օրերում, արագընթաց փոփոխությունների, նաեւ արժեքների անպեսման պայմաններում, ընտանիքի ավանդական ընկալմանը հակադրվում են ծնունդ առնող փարաբնույթ գաղափարախոսական եւ հասարակական հոսանքները, կենսաբեխնդոգիական միջոցների առաջադրած մարտահրավերները, որոնք թափանցում են մարդու կյանքի նվիրական ոլորտը՝ հարկապես որդեւնության հարցերում: Երեւելի եւ աներեւույթ գանազան հարձակումներից, ցավոք, անմասն չի մնացել եւ չի մնում նաեւ հայ ընտանիքը: Այս առումով մրահողիչ են ամուսնալուծությունների, հղիության՝ ոչ քիչ դեպքերում սեռով պայմանավորված արհեսարական ընդհատումների աճը, ծնելիության նվազումը, կանխարեւակող ժողովրդագրական անցանկալի փոփոխությունները, որոնք մասնավորաբար պերք է քննարկվեն համաժողովում:

Այսօր անհրաժեշտ է դարձել բոլոր մակարդակներում եւ հարթակներում, նմանաբիպ համաժողովներով, եկեղեցական քարոզությամբ, մեծ եւ փոքր քննարկումներով, ընտանիքի աջակցության ծրագրերով, հանրային կյանքի իրազեկման հնարավոր եղանակներով, պետական-օրենսդրական նախաձեռնություններով նպաստել ընտանիքի առողջությանը, բարձրացնել հանրային գիտակցությունը:

Այս առումով մեկ անգամ եւս կարեւորելով համաժողովի նախաձեռնությունը՝ Նայրապեյրական Մեր գնահատարանքն ենք բերում Մայր Աթոռի Նայեցակարգային հարցերի գրասենյակի փնօրեն Գերաշնորհ Տ. Բագրապ եպիսկոպոս Գալստրանյանին համաժողովի կազմակերպման համար, ինչպես նաեւ՝ բարձրորեն գնահատում ենք համագործակցության եւ աջակցության ջանքերը ԱԺ առողջապահության, մայրության եւ մանկության հարցերի հանձնաժողովի, ՆՃ առողջապահության նախարարության, «World Vision» հայաստանյան գրասենյակի, ՄԱԳ-ի Բնակչության եւ ԵՆՄ «Կլոր սեղան» հիմնադրամների: Մեր գնահատարանքն ենք բերում համաժողովի բոլոր մասնակիցներին, ղեկուցողներին, հասարակական կազմակերպությունների ներկայացուցիչներին՝ մաղթելով արդյունավետ քննարկումներ, որոնք, լիահույս ենք, պիտի նպաստեն ընդանիքների ամրապնդմանը եւ բարոյական արժեքների ամրակայմանը մեր կյանքից ներս:

Մեր Տեր Նիսու Բրիսարոսի սերը, խաղաղությունն ու շնորհները թող լինեն մեզ եւ ամենքի հետ. ամեն: